



Inuussutissarsiutinut, Suliffeqarnermut Inuussutissarsiutinullu Ilinniartitaanermut Naalakkersuisoq /Maani

Isumasioqatiginnissamut aggersaaneq.

Inatsisartut Inuussutissarsiornermut Ataatsimiititaliaata Inuussutissarsiutinut, Suliffeqarnermut Inuussutissarsiutinullu Ilinniartitaanermut Naalakkersuisoq Inatsisartut Inuussutissarsiornermut ataatsimiititaliaanni ataasinngorneq ulloq 2.oktober 2006 Inatsisartut ataatsimiittarfiani nr. 2-mi nal. 14.00-15.00 isumasioqatiginnissamut matumuuna aggersarpaa.

UKA 2006/49 Inatsisartut inatsisaat nr. xx yy 2006-imeersoq uumassusilinnit isumalluutit niuernermit ilisimatusarnermilu atorneri pillugit siunnersuut Naalakkersuisumit ilaasortamit saqqummiunneqarpoq. Siunnersuut siullermeerneqareerluni Inatsisartut Inuussutissarsiornermut Ataatsimiititaliaanut suliassanngorlugu inner-sunneqarpoq.

Inatsisissatut siunnersuutip pisariaqassusaa isumaqatigineqarluarmat Inuussutissarsiornermut Ataatsimiititaliamit oqaatigineqassaaq. Inatsisissatut siunnersuut piareersarlugaasutut isikkoqarmat ataatsimiititaliallu sulineranut oqilisaataammat Ataatsimiititaliamit nuannaarutigineqarpoq.

Ajornartorsiutilli arlallit Naalakkersuisut itisiliiffigissagaat Ataatsimiititaliamit kissatigineqarpoq. Ataatsimiititaliap isumaliutissiissutaata tunniunneqarnissaanut piffissaliunneqartup sivikippallaarnera pissutigalugu ajornartorsiutit itisiliiffigineqarnissaanut isumasioqatiginnissaq Ataatsimiititaliap toqqarpaa.

Apeqqutit siulliat:

Kalaallit niuernikkut soqutigisaat sapinngisamik tamakkiisumik aallunneqarnissaat Ataatsimiititaliamit qulakkeerusunneqarput. Uumassusilinnit isumalluutinit tuniliaqutaqartumik nalilinnik pilersitsinermit Kalaallit Nunaata naammaginartumik pissarsisarnissaa inatsimmi siunertarerpiarneqarmat Ataatsimiititaliap maluginiarsimavaa.

Taamaammat siunnersuutip piginnittussaanermut inatsisitigut tunngasortai pillugit Naalakkersuisut itisiliinissaat Ataatsimiititaliamit kissaatigineqarpoq. Taanna itisiliineq Inuit Ataqtigiiit partiitut oqaaseqaataani naleqquttumik aallaaveqarsinnaavoq. ” Inuit Ataqtigiiinniit qularutiginnilarput pisuussutit uumassusillit isaannarmik takuneqarsinnaangitsut inuutissarsiutinik siuarsaanermi aammalu nunatsinni aningaasarsiornerep qaffassarneqarnerani annertuumik iluaqtigineqalersinnaasut, taamammat aamma nioqqutissianik ilisimasanillu piginneqqartussaanermi aalian-

Ulloq/Dato:
21. september 2006
Sags.nr.
01.36.02.04-00008
Inatsisartu4 Allattoqarfiat / Landstingets Bureau
Postboks 1060
3900 Nuuk
Oq/tel +299 34 50 00
Fax +299 32 46 06
Landstinget@gh.gl
www.nanoq.gl

gersakkat inatsimmi pitsaasumik ersarissumillu tunngavissaqarnissaat pingartip-parput.”

Apeqquiti aappaat:

Atortussanik uumassusilinnik aammalu taakkuninnga passussinermi inatsisunik unioqqutitsilluni imaluunniit piarinaatsoorluni annissuinermit atatillugu nakkutillinnissaq eqqarsaasersuutigineqarsimanersoq Ataatsimiititaliamit paasissutissiissuti-geqquneqarpoq.

Apeqquiti pingajuat:

Kalaallit Nunaata pisinnaatitaaffii suliffeqarfinnut atuisussanut ataasiakkaanut arlalinnuunniit uumassusilinnik isumalluutit piginneqataassutinngortinneqarnissaanut Naalackersuisut pisinnaatitaasut siunnersuummi ilanngunneqarsimavoq. Ataatsimiittarfimmi siunnersuut siullermeerneqarmat suliffeqarfinnut taakkuninnga attuumassutillit apeqquiti saqqummiunneqarput. Suliffeqarfinnut tunngassutilinnut apeqqutinut attuumassutilinnut allakkanik akissuteqarnissaminut piumassuseqarluni Naalackersuisoq ilaasortaq oqaaseqarpoq.

Apeqqummut pineqartumut atasumik uumassusilinnik isumalluutit nuiuarnikkut ilisimatusarnikkullu atuinermut Kalaallit peqataanissaat Naalackersuisunit qulakkeerneaqqullugu Ataatsimiititaliap piumasaqarnini naqissusissavaa. Suliffeqarfinnut atuisussanut ataasiakkaanut arlalinnuunniit uumassusilinnik isumalluutit piginneqataassutinngortinneqarnissaat Naalackersuisut aalajangiusimassagaat ataatsimiititaliap kissaatigaa. Suliffeqarfinni atuisuusuni Namminersorerullutik Oqartussat aalajangiisuusumik sunniuteqarnissaat ilaatigut piginneqataassutinik amerlanerussuteqarneq aqutigalugu aalajangiusimaneqassasoq ataatsimiititaliamit aamma kissatigineqarpoq.

Ajornartorsiutit taakku pillugit Naalackersuisut naatsumik allakkatigullu nassuiaataat Demokraatit partiit oqaaseqaataanni tulluuttuni naleqquttumik aallaavusinnaapput.

” Nittartakkami www.teknologiportalen.dk allaqqavoq Namminersorerullutik oqartussat Bioneer peqatingalungu nunatsinniit isumalluutit uumassusilinnut atuinissamut suliffeqarfiliorsimasut. Sooq Inatsisartut tamassunga ilisimatinneqanngittut uuma siunnersuutip saqqummiunneqarneranut? Qanoq Namminersorerullutik Oqartussat piginneqatigiinnerat inissisimava? Piginneqatigiiffimmut atatillungu ilisimassutsimut kalaallinullu suliffissaqartitsinermut suut iluaqutissat Naalackersuisut takorloorpaat? Kalaallit ilinniartunut piginneqatigiiffik tingusisassasoq piumasarineqassua?”

Apeqquiti sisamaat:

Suliffeqarfimmut atuisussamut ataatsimut Kalaallit Nunaata pisinnaatitaaffiinik piginneqataassutit ukiunut qulinut atuuttussatut piffissalernerqarsimasut siunnersuummi ersersinneqarpoq. Tamanna piffissaliunneqartumut ataatsimut ukiut qulit angullugit sivitsorneqarsinnaavoq angusaqarfiusussatut siunniussat isumaqatigiissutaasut piffissaliunneqartumi anguneqarsimappata. Naalackersuisut siunnersuummut oqaaseqaamminni allapput kisermaassisussaatitaanermut isumaqatigiissut u-

kiut qulit qaangiunnerini atorunnaarsinneqarsinnaasoq anguniagassat naammassi-
neqarsimangippata.

Aalajangersakkap taassuma itisilerneqarnissaa kiisalu kisermaassisussaataane-
rup atorunnaarsinneqaratarsinnaanerata kingunerisinnaasai pillugit paasissutissat
itisilerneqarnissaat ataatsimiititaliamit kissaatigineqassaaq.

Inuussutissarsiornermut Ataatsimiititaliap kissaatigaa ataasinngornermi ulloq 2.
oktober nal. 14.00 – 15.00 isumasioqatigiittoqassasoq, taamaalilluni Naalakkers u-
isut akissuteqaataat Ataatsimiititaliap isumaliutissiissutaani oqaaseqaatinut il-
anngunneqarsinnaaniassammata. Naalakkersuisumut ilaasortap oqaatigisassatut
allassimaffiata nuutinnera Inuussutissarsiornermut Ataatsimiititaliamut tunniunne-
qassasoq kissaatigineqarpoq.

Inussiarnersumik inuulluaqqusillunga

Ane Hansen,
Ataatsimiititaliami Siulittaasup tullia